

Teme i zaključci sastanka Uprave i Radničkog savjeta 10.04.2025.

Izvještaj ZNR – analiza povreda na radu

U 2023. godini bilo je 35 povreda, u 2024. 31, a u 2025. do sada bilo je 5 povreda na radu.

Povrede na radu u najvećem broju slučajeva nastale su nepažnjom radnika i nepridržavanja mjera ZNR, odnosno nepravilnim rukovanjem sredstvima za rad, te nekorištenjem ličnih zaštitnih sredstava.

U 2023. je bilo 835, dok u 2024. godini je bilo 664 dana bolovanja zbog povreda na radu.

Broj prijava u 2024. zbog kršenja mjera ZNR je 35, u tekućoj godini do sada je napisano 19 prijava. Najčešće prijave su zbog nekorištenja ličnih zaštitnih sredstava, te zbog skidanja zaštitnih naprava sa mašina, alata i drugih sredstava rada.

Obzirom da radnici dolaze u situacije da skidaju zaštite sa brusilica prilikom brušenja nepristupačnih dijelova komada, Uprava zadužuje poslovođe i službu ZNR da sagledaju mogućnosti nabavke adekvatnijih alata za brušenje, te da prijedlog pošalju Upravi.

Novčani iznosi neusklađenosti za nepridržavanje mjera ZNR se neće smanjivati jer je njihova svrha da kod radnika razviju svijest o odgovornosti, te da se spriječe povrede zbog nesavjesnog ponašanja u proizvodnim pogonima. **Cilj dodjeljivanja neusklađenosti zbog nepridržavanja mjera ZNR nije uzeti novce od radnika, nego podići svijest o rizicima od povreda.**

Plata za Mart 2025.

14.04. će biti isplaćena plata za prethodni mjesec po novim, zaokruženim satnicama, i to za radnike koji imaju satnicu do 12 KM. Satnice iznad 12 KM će se usklađivati na plati za mjesec April.

Od 01.04. radno vrijeme za sve radnike se vraća na puni fond sati.

Isplata inventure za 2024. godinu

Do kraja tekućeg mjeseca će biti isplata radnicima koji su radili inventuru za prošlu godinu.

Razno

-Radnici imaju primjedbe na kvalitet obroka u menzi u drugoj smjeni. Uprava će ispitati navedenu problematiku, te će razmotriti opciju prijavljivanja u iMAS-u ili sličnom mehanizmu.

-Uprava poziva radnike na poštivanje vremena pauza. Radnici napuštaju radna mjesta prije nego što se oglasi zvono za pauzu. Zadužuju se poslovođe da pooštre disciplinu po ovom pitanju, te da sankcionišu svako nepoštivanje termina pauze. Općenito, neophodno je povesti više računa o radno-tehnološkoj disciplini.

-Radnički savjet iznosi problematiku malog broja poslovođa u drugoj smjeni. Zadužuje se ID za Logistiku i proizvodnju da u saradnji sa rukovodiocima ravnomjerno rasporedi poslovođe u smjenama.

-Zbog velikog broja reklamacija koje imamo u posljednje vrijeme dovodimo se u mogućnost da budemo svrstani u dobavljača kategorije B, a to bi značilo niže cijene naših proizvoda. **Uprava poziva sve radnike na kvalitetno i odgovorno obavljanje poslova, na ukazivanje, kako tuđih, tako i svojih grešaka koje primijete. Moramo raditi na povećanju kvaliteta naših proizvoda i smanjenju broja reklamacija.** Cilj je da zadržimo postojeće kupce i privučemo nove, a to jedino možemo ako imamo kvalitetne proizvode..

-Zemljište od 12 000 kvadrata za izgradnju stanova za radnike je kupljeno u neposrednoj blizini firme i do kraja ljeta je plan da se razrade projekti za izgradnju cca. 40 stanova. Planirano je da izgradnja počne sljedeće godine. Radnički savjet je zadužen da pripremi prijedlog pravilnika o kriterijima i bodovanju kandidata za kupovinu stanova.

-Radnicima koji nisu bili u mogućnosti da iskoriste prekovremene sate koji su se akumulirali, u narednom periodu će biti isplaćeni, a informaciju o broju sati mogu dobiti kod svojih nadređenih ili u službi Finansija.